

Concello de Moaña

Exp.: 0975/24
Promotor: Concello de Moaña
Asunto: renovación de colector de saneamento e pavimento en rúa Baixada a Torneira
Situación: rúa Baixada a Torneira (Moaña)

ANTECEDENTES

- 1 Concello de Moaña promove o expediente de renovación de colector de saneamento e pavimento en rúa Baixada a Torneira, concello de Moaña.
- 2 De acordo co artigo 3.a do Decreto 93/2017 de 14 de setembro, polo que se regula a composición e funcionamento dos consellos territoriais de Patrimonio Cultural de Galicia, do Consello Asesor dos Camiños de Santiago e da Comisión Técnica de Arqueoloxía, considérase que non é preciso o informe preceptivo previo do Consello Territorial de Patrimonio Cultural.
- 3 Con data 8 de abril de 2024 emítese informe técnico que di o seguinte:

" INFORME

O concello de Moaña remite solicitude de autorización para o proxecto Renovación de colector de saneamento e pavimento en rúa Baixada a Torneira. A actuación transcorre polo Núcleo tradicional do Cruceiro de San Martiño, elemento incluído no PXOM do concello.

Segundo o artigo 30 da Lei 5/2016 do 4 de maio, de patrimonio cultural de Galicia (LPC) os ditos bens incorpórase ao Catálogo de Patrimonio Cultural de Galicia e pasará a ter a consideración de ben catalogado sometido ao réxime xurídico de protección aplicable a estes.

De acordo co artigo 39.1 da lei 5/2016 do patrimonio cultural de Galicia, as intervencións que se pretendan realizar en bens de interese cultural ou catalogados, así como, de ser o caso, no seu contorno de protección ou na súa zona de amortecemento, terán que ser autorizadas pola consellaría competente en materia de patrimonio cultural, coas excepcións que nela se establecen.

Descrición das obras.

As obras previstas son as seguintes:

- *Corte e demolición do pavimento, escavación do recheo da gabiá do saneamento existente, debido a que se renova o colector seguindo o mesmo trazado. A profundidade da gabiá é variable entre 1,5 e 2,0 metros.*
- *Instalación de 345,24 m de colector de PVC315 mm, con 15 pozos de rexistro e 4 pozos de resalto e a renovación de 24 acometidas.*
- *Instalación de 336,02 m de colector de PVC400 mm con 17 pozos de rexistro e 3 pozos de resalto. Inclúense 19 sumidoiros e 2 reixas transversais, así como 24 acometidas.*



- *Extensión dunha capa de formigón de 15 cm na coroación das gabias a fin de asegurar a capacidade portante do terreo. Se fresarán zonas puntuais de acceso a vivendas para manter as cotas das rasantes e procederase ao estendido dunha capa de aglomerado de 6 cm a todo o ancho do vial, que presenta anchos diferentes.*

Consideracións e conclusións

As actuacións consisten basicamente en obras de conservación e mantemento do uso existente, polo que, dende o punto de vista de protección do patrimonio, infórmase favorablemente coas seguintes condicións:

- *Con carácter xeral no transcurso das actuacións previstas adoptaranse as cautelas necesarias para non afectar aos muros tradicionais e calquera outro ben de carácter etnográfico que se atope no percorrido das obras.*

- *As posibles provisións de materiais realizaranse á maior distancia posible do Cruceiro de San Martiño.*

- *En tódolos casos, nos puntos en que os traballos se realicen nas inmediacións ou en contacto directo cos bens, extremaranse as precaucións para evitar calquera dano fortuíto resultado de impacto ou vibracións causadas por emprego de maquinaria.*

- *O material de acabado do firme será uniforme en todo o seu trazado e non se estenderá ás marxes non pavimentadas das beiravías, salvo para a regularización puntual do ancho útil de tránsito do camiño."*

CONSIDERACIÓNS LEGAIS

- 1 É de aplicación na tramitación e resolución do presente expediente o disposto nas seguintes disposicións normativas:
 - Lei 39/2015, do 1 de outubro, do procedemento administrativo común das administracións públicas e Lei 40/2015, do 1 de outubro, de réxime xurídico do sector público.
 - Lei 5/2016, do 4 de maio, do patrimonio cultural de Galicia.
 - Decreto 199/1997, do 10 de xullo polo que se regula a actividade arqueolóxica na Comunidade Autónoma de Galicia, modificado polo Decreto 93/2017 de 14 de setembro, polo que se regula a composición e funcionamento dos consellos territoriais de Patrimonio Cultural de Galicia, do Consello Asesor dos Camiños de Santiago e da Comisión Técnica de Arqueoloxía.
 - Decreto 93/2017 de 14 de setembro, polo que se regula a composición e funcionamento dos consellos territoriais de Patrimonio Cultural de Galicia, do Consello Asesor dos Camiños de Santiago e da Comisión Técnica de Arqueoloxía.
 - Decreto 119/2022, do 23 de xuño, polo que se establece a estrutura orgánica da Consellería de Cultura, Educación, Formación Profesional e Universidades (DOG nº 126 do 4 de xullo).
 - As demais normas de aplicación, en concreto a lexislación vixente do solo de Galicia (Lei 2/2016, do 10 de febreiro) en relación coa protección e a conservación do patrimonio cultural.
- 2 A intervención para a que se solicita autorización preténdese realizar no contorno de protección dun ben incluído no catálogo do PXOM do concello polo que, segundo o artigo 30 da Lei 5/2016, do 4 de maio, do Patrimonio Cultural de Galicia, incorpórase ao Catálogo de Patrimonio Cultural de Galicia e pasará a ter a consideración de ben catalogado sometido ao réxime xurídico de protección aplicable a estes. De acordo co artigo 39.1, as intervencións que se pretendan realizar en bens de interese cultural ou catalogados, así como, de ser o caso, no seu contorno de protección ou zona de amortecemento, terán que ser autorizadas pola



consellería competente en materia de patrimonio cultural, coas excepcións que nela se establecen.

De acordo con todo o sinalado, no exercicio da competencia que me atribúe o Decreto 119/2022, do 23 de xuño, polo que se establece a estrutura orgánica da Consellería de Cultura, Educación, Formación Profesional e Universidades (DOG nº 126 do 4 de xullo) e conforme ao disposto na Resolución do 2 de decembro de 2020, da Dirección Xeral de Patrimonio Cultural, polo que se delega a firma nos titulares dos servizos de Coordinación Cultural das xefaturas territoriais da Consellería de Cultura, Educación e Universidade o exercicio de determinadas competencias, e á vista do informado polos servizos técnicos e sen prexuízo de calquera outra autorización esixida pola lexislación vixente,

RESOLVO

Autorizar a obra de renovación de colector de saneamento e pavimento en rúa Baixada a Torneira, concello de Moaña, coas seguintes condicións:

- Con carácter xeral no transcurso das actuacións previstas adoptaranse as cautelas necesarias para non afectar aos muros tradicionais e calquera outro ben de carácter etnográfico que se atope no percorrido das obras.
- As posibles provisións de materiais realizaranse á maior distancia posible do Cruceiro de San Martiño.
- En tódolos casos, nos puntos en que os traballos se realicen nas inmediacións ou en contacto directo cos bens, extremaranse as precaucións para evitar calquera dano fortuíto resultado de impacto ou vibracións causadas por emprego de maquinaria.
- O material de acabado do firme será uniforme en todo o seu trazado e non se estenderá ás marxes non pavimentadas das beiravías, salvo para a regularización puntual do ancho útil de tránsito do camiño.

Contra esta resolución poderase interpoñer recurso de alzada ante o Conselleiro de Cultura, Educación, Formación Profesional e Universidades no prazo dun mes contado a partir do día seguinte ao da súa recepción, de acordo cos artigos 30, 121 e 122 da Lei 39/2015, do 1 de outubro, do procedemento administrativo común das administracións públicas.

Mediante este documento notifícase ao Concello de Moaña esta resolución segundo o esixido no artigo 40 da Lei 39/2015, do 1 de outubro, do procedemento administrativo común das administracións públicas.

A directora xeral do Patrimonio Cultural
p.d.: Resolución do 05.07.2022
A xefa do Servizo de Coordinación Cultural
M^a José Echevarría Moreno

